

մի ի յորևն . աստի էանց Պետրոս Առաքեալն , և իբրեւ զքարընկէց մի եհաս ի տունն Մարկոս Աւետարանչի , և այն է վանքն Ասորոց , որոյ դուռն է ի հարաւ : . . . արդ սա ասի շինեալ ի թագաւորաց քրիստոնէից , եւ է սագաշէն գեղեցիկ և վայելուչ անուանակոչեալ Ս . Աստուածածին» (Հան . էջ 237) :

7. Ս . Պետրոսի բանք . — Ս . Պետրոսի անուամբ երրորդ եկեղեցի մը կար երուսաղէմ քաղաքին պարիսպին ներսը որ առաջին անգամ վկայուած է միայն ժԲ . դարուն : Ան կը գտնուէր Դաւթի բերդին (*) եւ Սիոնի դրան շրջակայքին հետ հաղորդակցութիւն ունեցող փողոցի մը վրայ (որ Բերդէն դէպի Տաճար կ'երթայ) , հրէական եւ հայկական արդի թաղերուն սահմաններուն մէջ : Նոյն եկեղեցին չափով մը զարդարուած էր և ունէր խոր նկուղ մը որ կը ներկայացնէր այն բանտը ուր Պետրոս Առաքեալը Հերովդէսէն բանտարկուած ըլլալով հրաշքով մը ազատած է : Քրստոսն աստիճաններով սանդուխ մը կը տանի այս բանտին խորը ուր կայ սեղան մը որուն վրայ ուխտաւորները կ'աղօթէին : Մատուռին դրան ճակատամէջը գրբուած են լատիներէն սա չորս տողերը այս գէպքին վերաբերմամբ եւ զոր հայերէնի կը թարգմանենք . «Զգետաւորուէ ով Պետրոս , ոտք ելիր , գնա՛ անարգել , վասն զի շղթաներուդ կապերը քակուած են : Ստուգութեամբ զիտեմ այժմ , որովհետեւ դուռը բացուած է ինձ համար . ո՛վ բարութիւնը Քրիստոսի , որ ազատութիւն շնորհեցիր ինձի» :

(*) Khott Dâoud, Դաւթի փողոց , որ Պապ Էս - Սիւսիլէն էն կ'երթայ Պապ Էլ - Խալիլ :